

五代史記注

五代史記卷第十三

廬陵歐陽脩撰

徐無黨原注

南昌彭元瑞注

劉鳳誥排次

嗚呼梁之惡極矣自其起盜賊至於亡唐其遺毒流於天下天下豪傑四面並起孰不欲戡刃於其胸然卒不能少挫其鋒以得志梁之無敵於天下可謂虎狼之彊矣及其敗也困於一二女子之娛至於洞胸流腸剖若羊豕禍生父子之間乃知女色之能敗人矣自古女禍大者亡天下其次亡家其次亡身身苟免矣猶及其子孫雖遲速不同未有無禍者也然原其本未始不起於

忽微易坤之初六曰履霜堅冰至家人之初九曰閑有家悔亡其言至矣可不戒哉梁之家事詩所謂不可道者也至於唐晉以後親疏適庶亂矣作家人傳

梁家人傳第一

梁太祖母曰文惠皇后王氏

五代史文惠皇太后王氏開平初追諡

單州

單父人也其生三子長曰廣王全昱次曰朗王存其次太祖后少寡攜其三子傭食蕭縣人劉崇家太祖壯而無賴縣中皆厭苦之崇患太祖慵惰不作業數加笞責獨崇母憐之時時自爲櫛沐戒家人曰朱三非常人也宜善遇之黃巢起太祖與存俱亡爲盜從巢攻廣州存

戰死居數歲太祖背巢降唐反以破巢遂鎮宣武乃遣人以車馬之蕭縣迎后于崇家使者至門后惶恐走避謂劉氏曰朱三落魄無行作賊死矣何以至此耶使者具道太祖所以然后乃驚喜泣下與崇母俱載以歸府冊元龜劉崇太祖微時嘗傭力崇家及卽位召崇用之歷殿中監商州刺史崇之母撫梁祖有恩梁祖號爲國婆徐宋之民謂崇家爲秦龍劉家子鼎起家大理評事五代史劉鼎字公度徐州蕭縣人祖秦蕭縣令父崇梁太祖微時嘗傭力崇家及卽位召崇用之歷殿中監商州刺史崇之母撫梁祖有恩梁氏號爲國婆徐宋之民謂崇家爲秦龍劉家鼎起家爲大理評事歷尙書博士殿中侍御史起居郎清泰中自吏部員外郎出爲潭州廉判入爲刑部郎中充鹽鐵判官改吏部郎中兼侍御史知雜事乾祐初拜諫議大夫卒年五十五鼎善交遊能談笑居家仁孝事繼母趙氏甚謹異母昆仲凡七人撫之如一性若寬易而典選曹按吏有風稜人稱爲能

子衮登進士第文彩邁雋仕封晉國太夫人北夢瑣言周爲左拾遺直史館早卒

於汴盛飾輿馬使人迎母於崇家王氏惶恐辭避深藏不之信謂人曰朱三落拓無行何處作賊送死焉能自致富貴汴帥非吾子也使者具陳離鄉去里之由歸國立功之事王氏方泣而信是日與崇母並迎歸汴溫盛禮郊迎人士改觀崇以舊恩位至列卿爲商州刺史王氏以溫貴封晉國太夫人太祖置酒太

夫人前舉觴爲壽歡甚太祖啓曰朱五經平生讀書不登一第有子爲節度使無忝於先人矣后惻然良久曰

汝能至此可謂英特然行義未必如先人也太祖莫知其故后曰朱二與汝俱從黃巢獨死蠻嶺其孤皆在午

溝汝今富貴獨不念之乎太祖泣涕謝罪乃悉召存諸

子以歸

北夢瑣言仲兄存於賊中爲矢石所中而卒溫置酒於母歡甚語及家事謂母曰朱五經辛苦

儒業不登一命今有子爲節度使無忝前人矣母不擇
良久謂溫曰汝致身及此信爲英特行義未必如先人
朱二與汝同入賊軍身死蠻徼孤男稚女艱食無告汝
未有恤孤之心英特卽有諸無取也溫垂涕謝罪卽令
召諸兄子皆至汴友寧友倫皆立軍功位至方鎮鶴
林玉露朱溫父誠以五經教授鄉里號朱五經溫爲節
度使其母王氏猶備食蕭縣劉崇家始迎以歸溫舉觴
爲壽啓曰朱五經平生讀書不登一第有子爲節度使
無忝於先人矣母惻然良久曰汝能至此可謂英特然
行義未必如先人也賢哉此媼深哉此言其於朱五經
之學必蓋太祖剛暴多殺戮后每誠之多賴以全活五代
嘗有聞矣太祖剛暴多殺戮后每誠之多賴以全活五代
史太祖性孝愿奉太后未嘗小失色朝夕視膳爲士君
子之規範帝嚴察用法無纖毫假貸太后言之帝頗爲
省大順二年秋后疾卜者曰宜還故鄉乃歸卒于午溝
太祖卽位立四廟追尊皇考爲文穆皇帝后曰文惠皇
后

太祖元貞皇后張氏

五代史元貞皇后張氏乾化中追諡 五代會要太祖皇后張氏早

崩開平二年追封賢妃至乾化二年單州碭山縣渠亭十一月二十三日追封曰元貞皇后

里富家子也太祖少以婦聘之生末帝太祖貴封魏國夫人后賢明精悍動有禮法雖太祖剛暴亦常畏之太祖每以外事訪之后言多中太祖時時暴怒殺戮后嘗救護人賴以獲全太祖嘗出兵行至中途后意以爲不然馳一介召之如期而至郴王友裕攻徐州破朱瑾于石佛山瑾走友裕不追太祖大怒奪其兵友裕惶恐與數騎亡山中久之自匿于廣王后陰使人教友裕脫身自歸友裕晨馳入見太祖拜伏庭中泣涕請死太祖怒

甚使左右捽出將斬之后聞之不及履走庭中持友裕泣曰汝束身歸罪豈不欲明非反乎太祖意解乃免太祖已破朱瑾納其妻以歸后迎太祖于封邱太祖告之后遽見瑾妻瑾妻再拜后亦拜悽然泣下曰充鄆與司空同姓之國昆仲之間以小故興干戈而使吾姒至此若不幸汴州失守妾亦如此矣言已又泣太祖爲之感動乃送瑾妻爲尼后常給其衣食司空太祖時檢校官也天福元年后以疾卒太祖卽位追冊爲賢妃初葬開封縣潤色鄉末帝立追諡曰元貞皇太后祔于宣陵后已死太祖始爲荒淫卒以及禍云

北夢瑣言梁祖魏國夫人張氏碭山富室

女父裴曾爲宋州刺史溫時聞張有姿色私心傾慕有麗華之歎及溫在同州得張於兵間因以婦禮納之溫以其宿款深加禮異張賢明有禮溫雖虎狼其心亦所景伏每軍謀國計必先延訪或已出師中途有所不可張氏一介請旋如期而至其信重如此初收兗鄆得朱瑾妻溫告之曰彼旣無依寓於輜車張氏遣人召之瑾妻再拜張氏答拜泣下謂之曰兗鄆與司空同姓之國昆仲之間以小故尋戈致吾妣如此設不幸汴州失守妾亦似吾妣之今日也又泣下乃度爲尼張恒給其費張旣卒繼寵者非人及僭號後大縱朋淫骨肉聚麀帷薄荒穢以致友珪之禍起於婦人始能以柔婉之德制豺虎之心如張氏者不亦賢乎

昭儀陳氏宋州人也少以色進太祖已貴嬪妾數百而昭儀專寵太祖嘗疾昭儀與尼數十人晝夜爲佛法未嘗少懈太祖以爲愛已尤寵之開平三年度爲尼居宋州佛寺

昭容李氏亦以色進尤謹愿未嘗去左右太祖病晝寢方寐忽棟折獨李氏侍側遽牽太祖衣太祖驚走棟折寢上太祖德之拜昭容皆不知其所終

五代會要內職梁太祖昭儀陳

氏昭容李氏

末帝德妃張氏

五代史末帝德妃張氏

其父歸霸事太祖爲梁功

臣帝爲王時以婦聘之帝卽位將冊妃爲后妃請待帝

郊天而帝卒不得郊貞明五年妃病甚帝遽冊爲德妃

其夕薨年二十四

五代會要少帝妃張氏乾化四年九月二十四日冊爲德妃其夕薨

次妃郭氏父歸厚事梁爲登州刺史妃少以色進梁亡莊宗入宮梁故妃妾皆號泣迎拜賀王友雍妃石氏有

色莊宗召之石氏慢罵莊宗殺之次以召妃妃懼而聽命已而度爲尼賜名誓正居于洛陽初莊宗之入汴也未帝登建國樓謂控鶴指揮使皇甫麟曰晉吾世讎也不可俟彼刀鋸卿可盡我命無使我落讎人之手麟與帝相持慟哭是夕進刃於帝麟亦自剄莊宗入汴命河南張全義葬其尸藏其首於太社晉天福三年詔太社先藏罪人首級許親屬收葬乃出末帝首遣右衛將軍安崇阮與妃同葬之妃卒洛陽

文昌雜錄梁均王晉天福中始葬故妃張氏猶

存考功員外商鵬爲誌文曰七月有期不見望陵之妾九疑無色空餘泣竹之妃

五代史安崇阮字晉臣潞

州上黨人也少倜儻有詞辯善騎射父文祐爲牙門將唐光啟中潞州軍校劉廣逐節度使高潯據其城僖宗

詔文祐平之既殺劉廣召赴行在授邛州刺史其後孟方立據邢洛率兵攻上黨朝廷以文祐本潞人也授昭義節度使令討方立自蜀至澤州與方立戰敗歿于陣昭宗朝宰相崔魏公以文祐歿于王事薦崇阮于朝自是累任諸衛將軍梁氏革命以崇阮明辯遣使吳越迴以所獲橐裝悉充貢奉梁祖嘉之故每歲乘輅于江浙間及迴貢獻皆如初梁末帝嗣位授客省使知齊州事時梁軍與莊宗對壘于河上冀王友謙以河中叛末帝使段凝領軍經略蒲晉詔崇阮監軍又知華雍軍府事尋年授青州兵馬畱後入爲諸衛上將軍唐天成中授黔南節度使檢校太保尋移鎮夔州以蜀寇侵逼棄城歸闕改晉州節度使復爲諸衛上將軍高祖登極之二年詔葬梁末帝以崇阮梁之舊臣令主葬事崇阮盡哀致禮以襄其事時人義之五年以老病請告授右衛上將軍致仕開運元年九月卒於西京贈太傅

太祖二兄曰全昱曰存八子長曰友裕次曰友珪友璋友貞友雍友徽友孜其一養子曰友文開平元年五月

乙酉封友文爲博王友珪郢王友璋福王友貞均王友

雍賀王

容齋四筆薛氏五代史梁太祖開平元年五月

試秘書省校書郎賀王友雍爲銀青光祿大夫檢校工部尚書兼御史大夫以親王而階將仕郎仍試銜初品

雖典章掃地之時恐不應爾也友徽建王友裕前卽位卒追封郴王而

康王友孜末帝卽位封

五代史福王友璋太祖第五子受禪後封賀王友雍太祖第六

子受禪後封建王友徽太祖第七子受禪後封康王友孜太祖第八子末帝卽位後封以反誅五代會要梁

太祖長子友裕郴王開平三年十月追封第二子友文博王開平元年五月九日冊封第三子友珪郢王開平

元年五月九日封至乾化二年六月三日篡位僞改鳳

入宮友珪自殺少帝卽位追削爲庶人第五子友璋福

王第六子友雍賀王第七子友徽建王開平元年五月九日封第八子友敬康王乾化三年三月十二日封梁

太祖長女安陽公主降羅延規早卒開平二年八月追

封長樂公主降趙巖開平元年五月十一日封普寧公主
主降王昭祚開平元年五月十一日封金華公主開平
二年十月封真寧公主乾化三年十月五日封少帝長
女壽春公主乾化三年四月五日封第二女壽昌公主
正明九年九月二十三日封通鑑乾
化三年三月丙辰立弟友敬為康王友璋初為壽州
團練使押左右番殿直監豐德庫友珪時為鄆州留後
末帝時為忠武軍節度使徙鎮武寧及友雍友徽皆不
知其所終

廣王全昱太祖卽位封

五代史廣王全昱太祖長兄受
禪後封通鑑開平元年八月

乙酉立兄全
昱為廣王

太祖與仲兄存俱亡為盜全昱獨與其母

猶寄食劉崇家太祖已貴乃與其母俱歸宣武領嶺南
西道節度使以太師致仕太祖將受禪有司備禮前殿

全昱視之顧太祖曰朱三爾作得否太祖燕居宮中與

諸王飲博全昱酒酣取骰子擊盆而進之呼太祖曰朱

三爾碭山一百姓遭逢天子用汝為四鎮節度使於汝

何負而滅唐家三百年社稷吾將見汝赤其族矣安用

博為太祖不悅罷會王堂閒話骰子數匝廣王全昱忽駐不擲顧而向梁祖再呼朱三梁

祖動容廣王曰你受它爾計大官職久遠家族得安否

於是大怒擲戲具於階下抵其盆而碎之暗鳴脰蹴數

日不止鶴林玉露溫篡位之日與宗戚飲博酒酣其兄全昱忽投瓊擊盆中迸散睨曰朱三爾碭山一百姓

從黃巢為盜天子用汝為四鎮節度使於汝何負而滅

唐家三百年社稷吾行見汝赤其族矣何以博為困

學紀聞朱溫之兄全昱楊涉之子凝式人心之全昱亦

公是非在其家者如此況天下千萬人之心乎

不樂在京師常居碭山故里冊府元龜庶人篡位授宋州節度使乾化元年還隴

賜命內臣拜饒都外王出宿至於偃
師仍詔其子衡王友諒侍從以歸
三子皆封王友諒

衡王友能惠王友誨邵王乾化元年升宋州爲宣武軍
以友諒爲節度使友諒進瑞麥一莖太祖怒曰今
年宋州大水何用此爲乃罷友諒居京師太祖臥病全
昱來視疾與太祖相持慟哭太祖爲釋友諒使與東歸

貞明二年全昱以疾薨
五代史貞明二年卒 五代會

證 五代史闕文全昱梁祖之兄也既受禪官中開宴
惟親王得與因爲博戲全昱酒酣忽起取骰子擊盆迸
散大呼梁祖曰朱三汝陽山一民因天下飢荒入黃巢
作賊天子用汝爲四鎮節度使富貴足矣何故滅他李
家三百年社稷稱王稱朕吾不忍見血吾族矣安用博
爲梁祖不悅而罷臣謹按梁史廣王全昱傳曰昱撲野
常呼帝爲三宮中博戲之事諱之夫梁祖弑二君弑一
皇后名臣被害者不可勝紀及莊宗卽位盡誅朱氏惟

全昱先令終至道初知單州有稱廣王之後與尼訟田者豈以一言之善獨存其嗣耶徙衡王友

諒嗣封廣王

五代史友諒全昱子初封衡王後嗣廣王繼歷藩郡多行不法坐弟友能反廢囚京

師唐師入汴與友能友誨同日遇害

友能爲宋滑二州畱後

五代史友能全昱子封惠

王後爲宋滑二州畱後

陳州刺史所至爲不法姦人多依倚之而

陳俗好淫祠左道其學佛者自立一法號曰上乘晝伏

夜聚男女雜亂妖人母乙董乙聚衆稱天子建置官屬

友能初縱之乙等攻劫州縣末帝發兵擊滅之自康王

友孜謀反伏誅末帝始疎斥宗室宗室皆反从貞明四

年友能以陳州兵反犯京師至陳畱兵敗還走陳州後

數月降末帝赦之降爲房陵侯

通鑑龍德元年夏四月陳州刺史惠王友能反

舉兵趣大梁詔陝州雷後霍彥威宣義節度使王彥章
控鶴指揮使張漢傑將兵討之友能至陳雷兵敗走還
陳州諸軍圍之秋七月惠王友能
降庚子詔赦其死降封房陵侯 友誨為陝州節度使

欲以州兵為亂末帝召還京師與友諒友能皆被幽囚

梁亡莊宗入汴皆見殺五代史友誨全昱子封邵王乾
化元年以檢校兵部尚書充控

鶴指揮使使坐友能反廢後為唐兵所殺通鑑初梁陝
州節度使邵王友誨全昱之子也性穎悟人心多向之

或言其誘致禁軍欲為亂梁主召還與其兄友諒友能
並幽於別第及唐師將至梁主疑兄弟乘危謀亂并皇

弟賀王友雍建王友徽並殺之通鑑考異薛史曰友
諒友能友誨莊宗入汴同日遇害按中都既敗均王親

弟猶疑而殺之况其從弟嘗為
亂者豈得獨存故附於此也

朗王存初與太祖俱從黃巢攻廣州存戰死存子友寧
友倫友寧字安仁幼聰敏喜愠不形於色太祖以為軍

校善用弓劍遷衙內制勝都指揮使龔州刺史

五代史安王友

寧字安仁少習詩禮長喜兵法有倜儻之風太祖鎮汴

累署軍職每因出師多命統驍果以從及擒秦宗權太

祖令友寧輓送宗權西獻于長安詔加檢校右散騎常

侍行右監門衛將軍自是繼立軍功累官至檢校司空

兼龔柳二

太祖圍鳳翔遣友寧東備宣武王師範龔梁

州刺史

圍齊州友寧引兵擊之奪馬千匹斬首數千級

五代史太祖駐

軍岐下遣友寧領所部兵先歸梁苑以備守禦屬青帥

王師範構亂以關東諸兵悉在岐隴欲乘虛竊發自齊

魯至于華下羅布姦黨皆詐以委輸貢奉為名陰與淮

夷并門結好曾有青人詣裴迪言其狀迪以事告友寧

不俟命乃率兵萬餘人東討師範遣其弟將兵圍齊州

友寧引兵救之青寇大敗奪馬四千蹄斬首數千級

太祖奉昭宗還京師拜友寧建武軍節度使賜號迎鑾

毅勇功臣

五代史及昭宗歸長安朝廷議迎駕功友寧授嶺南西道節度使加特進檢校司徒賜號

迎鑾毅太祖復遣攻師範圍博昌屠之清河爲之不流

戰于石樓兵敗友寧墜馬見殺

五代史時青寇數千越嶮潛伏欲入兗州友寧

知之伏兵于兗南邀之大破賊衆竟無免者自是兗壁危窘友寧督諸軍進逼營兵首攻博昌縣月餘未能拔

太祖怒遣劉捍督戰友寧乃下俘民衆十餘萬各領負

木石牽牛驢于城南爲土山既至合人畜木石排而築

之宛枉之聲聞數十里俄而城陷盡屠其邑人清河爲

之不流及進追寇壘與青人戰于石樓王師小却友寧

旁自峻阜馳騎以赴敵所乘馬蹶而仆遂没于陣友寧

將戰之前日有大白蛇蟠于帳中友寧心惡之既而果

遇禍焉通鑑朱友寧攻博昌月餘不拔朱全忠怒遣

客將劉捍往督之捍至友寧驅民丁十餘萬負木石牽

牛驢詣城南築土山既成并人畜木石排而築之冤號

聲聞數十里俄而城陷盡屠之進拔臨淄抵青州城下

遣別將攻登萊淮南將王茂章會王師範弟萊州刺史

師誨攻密州拔之斬其刺史劉康又以淮海都遊奕使

張訓爲刺史六月乙亥汴兵拔登州師範帥登萊兵拒

朱友寧於石樓爲兩柵丙子夜友寧擊登州柵中柵中

告急師範趣茂章出戰茂章按兵不動友寧破登州柵
進攻萊州柵比明茂章度其兵力已疲乃與師範合兵
出戰大破之友寧旁自峻阜馳騎赴敵馬仆青州將張
士梟斬之傳首淮南兩鎮兵逐北至米河俘斬萬計魏
博之兵友倫幼亦明敏通論語小學曉音律五代史密

殆盡聰悟喜筆札曉聲律及長好騎射有經存已死太祖以

友倫爲元從馬軍指揮使表右威武將軍五代史年十

校景福初充元從騎軍都將尋表爲右武衛將軍漸委戎事燕人攻魏內黃友倫以

前鋒夜渡河奪馬千匹李罕之以潞州降梁晉人攻潞

友倫以兵入潞州取罕之以歸累遷檢校司空領藤州

刺史五代史太祖征兗鄆友倫勒所部兵收聚糧穀以

馬千匹擒斬甚衆因引兵往入議關卒逢晉軍萬餘騎
友倫乃分布兵士多設疑軍因聲鼓誓衆士伍奮躍追

斬數十里其後李罕之請以上黨來歸爲晉軍所圍太祖遣友倫總步騎數萬越險救應遂大破晉軍唐朝加檢校司空守
藤州刺史 太祖圍鳳翔晉人襲梁友倫以兵三萬至

礬山晉人乃却友倫西會太祖于鳳翔

五代史天復元年岐隴川兵晉

人乘虛侵于北鄙友倫率徒兵三萬徑往礬山晉人望塵奔逸友倫與氏叔琮等躡其轍追至太原摩壘挑戰獲牛馬萬餘二年領所部昭宗還長安拜友倫寧遠軍兵西赴鳳翔前後累接戰

節度使太祖東歸畱友倫宿衛伺察昭宗所爲

通鑑全忠乃令

朱友倫將兵扈從友倫存之子也友倫擊鞠墜馬死

通鑑

以朱友倫爲右軍宿衛都指揮使友倫與客擊毬於左軍墜馬而卒全宿衛都指揮使朱友倫與客擊毬於左軍墜馬而卒全忠悲怒疑崔允故爲之兄與同戲者十餘人盡殺之遣其兄子友諒太祖大怒以兵七萬至河中昭宗涕泣不代典宿衛

知所爲將奔太原不果宰相崔允遣人止太祖太祖以

爲友倫允等殺之奏請誅允等昭宗未從乃遣友諒至

京師以兵圍開化坊殺允及京兆尹鄭元規皇城使王

建勲飛龍使陳班閤門使王建襲客省使王建乂前左

僕射張濬

五代史三年昭宗歸長安制授友倫寧遠軍節度使檢校司徒賜號迎鑾殺勇功臣及太

祖東歸畱友倫宿衛京師歲餘因會賓擊鞠墜馬而卒昭宗輟視朝一日詔贈太傅歸葬于礪山縣太祖

卽位已封宗室中書上議故皇兄存皇姪建武軍節度

使友寧寧遠軍節度使友倫皆當封於是追封存朗王

友寧安王友倫密王

五代史開平初有司上言曰東漢受命伯升預其始謀西周尚親叔

虞荷其封邑故皇兄存焄零霜露綿歷歲時恩莫逮于陟岡禮方宏于事日皇姪故邕州節度使友寧故容州節度使友倫頃因締構俱習賴鈐並以戰功歿于王事永言帶礪合議封崇于是存追封朗王友寧追封安王

友倫追
封密王

郴王友裕字端夫幼善騎射從太祖征伐能以寬厚得
士卒心太祖與晉圍黃鄴于西華鄴卒荷稍登城罵敵
晉王使胡騎連射不能中太祖顧友裕一發中之軍中
皆大譴呼晉王喜遺友裕良弓百矢五代史郴王友裕字端夫太祖長子也幼善射御從太祖征伐性寬厚頗得士心唐中和中太祖會并帥李克用攻圍華州賊將黃鄴固守甚堅俄有一人登陴大言克用令蕃騎連射終不能中命友裕射之應弦而斃大軍喜噪聲震山谷克用因以良弓百矢遺焉太祖鎮宣武以爲衙內都指揮使五代史太祖鎮汴表爲宣武軍牙校及蔡賊殄滅朝廷議功加檢校左僕射尋爲牙內馬步都指揮使景福元年太祖攻
鄆友裕以先鋒次斗門鄆兵夜擊之友裕敗走太祖從

後來不知友裕之敗也前軍遇敵多死太祖至村落間始與友裕相得是時朱宣在濮州太祖乃遣友裕先以二百騎前太祖後至與友裕相失太祖卒與敵遇敗而走敵兵追之甚急前至大溝幾不免賴溝中有積薪馬乃得過梁將李璠等死者十餘人冬友裕取濮州遂圍

時溥于徐州

通鑑朱全忠遣其子友裕將兵十萬攻濮州拔之執其刺史邵倫遂令友裕移兵擊

時溥

朱瑾以兵二萬救溥友裕敗瑾于石佛山瑾走都虞

候朱友恭譏之太祖以爲瑾可追而友裕不追太祖大怒奪其兵屬龐師古以友裕屬吏使者誤致書于友裕友裕惶恐不知所爲賴張皇后教之得免權知許州

五代

史景福元年總大軍伐徐時朱瑾領兗鄆之衆爲徐戎外援陣于彭門南石佛山下友裕縱兵擊之斬獲甚衆瑾領殘黨宵遁時都虞候朱友恭羽書聞于太祖誣友裕按兵不追賊太祖大怒因驛騎傳符令裨將龐師古代友裕爲帥仍令按劾其事會使人誤致書于友裕友裕懼遂以數騎遁于山中尋詣廣王于輝州以訴其冤賴元貞皇后聞而召之令束身歸汴力爲營救太祖乃捨之令權知許州通鑑朱友裕圍彭城時溥數出兵友裕閉壁不戰朱瑾宵遁友裕不追都虞候朱友恭以書譖友裕於全忠全忠怒驛書下都指揮使龐師古使代之將且按其事書誤達於友裕友裕大懼以二千騎逃入山中潛詣碭山匿於伯父全昱之所全忠夫人張氏聞之使友裕單騎詣汴州見全忠泣涕拜伏於庭全忠命左右捧抑將斬之夫人趨就抱之泣曰汝捨兵衆束身歸罪無異志明矣全許州近蔡苦於大寇居民殘忠悟而舍之使權知許州破友裕招撫流散增戶三萬餘遷諸軍都指揮使與平兗鄆還領許州崔洪奔淮南友裕引兵定蔡州市不易

肆太祖兼鎮護國軍以友裕爲留後遷忠武軍節度使

五代史乾寧元年加檢校司空尋爲武寧軍節度留後四年太祖下東平改天平軍留後加檢校司徒光啓元年再領許州天復初爲奉國軍節度留後太祖兼鎮河中以友裕爲護國軍節度留後尋遷華州節度使加檢校太保興德尹太祖攻鳳翔未下去攻邠州友裕破靈臺良原

下隴州楊崇本以邠州降後崇本復叛太祖遣友裕攻

之屯于永壽友裕以疾卒

五代史天祐元年七月兼行營都統領步騎數萬經略邠

岐十月友裕有疾將校乃謀旋師尋卒于梨園歸葬東京開平初追贈郴王乾化三年又贈太師五代會要

梁太祖長子友裕郴王開平三年十月追封

博王友文字德明本姓康名勤幼美風姿好學善談論

頗能爲詩太祖養以爲子太祖領四鎮以友文爲度支

鹽鐵制置使太祖用兵四方友文征賦聚斂以供軍費

太祖卽位以故所領宣武宣義太平護國四鎮征賦置

建昌宮總之以友文爲使封博王五代史博王友文本姓康名勤大祖養以

爲子受禪後封爲王爲東京畱守嗜酒頗怠于爲政太祖幸西都友文畱守東京

庶人友珪者太祖初鎮宣武略地宋毫間與逆旅婦人

野合而生也五代史友珪小字遙喜母失其姓本亳州營妓也唐光啓中帝徇地亳州召而侍寢

月餘將捨之而去以娠告是時元貞張后賢而有寵帝素憚之由是不果攜歸大梁因畱亳州以別宅貯之及

期妓以生男來告帝喜故字之曰遙喜後迎歸汴長而辯黠多智五代史受禪後封郢王開

平四年十月檢校司徒充左右控鶴都指揮博王友文使兼管四蕃將軍乾化元年充諸軍都虞候

多材藝太祖愛之而年又長太祖卽位嫡嗣未立心嘗

屬友文太祖自張皇后崩無繼室諸子在鎮皆邀其婦入侍友文妻王氏有色尤寵之太祖病久王氏與友珪妻張氏常專房侍疾太祖病少間謂王氏曰吾知終不起汝之東都召友文來吾與之決蓋心欲以後事屬之乃謂敬翔曰友珪可與一郡趣使之任乃以友珪爲萊州刺史太祖素剛暴旣病而喜怒難測是時左降者必有後命友珪大懼其妻張氏曰官家以傳國寶與王氏使如東都召友文君今受禍矣夫婦相對而泣左右勸友珪曰事急計生何不早自爲圖友珪乃易服微行入左龍虎軍見統軍韓勅計事勅夜以牙兵五百隨友珪

雜控鶴衛士而入夜三鼓斬關入萬春門至寢中侍疾者皆走太祖惶駭起呼曰我疑此賊久矣恨不早殺之逆賊忍殺父乎友珪親吏馮廷諤以劒犯太祖太祖旋柱而走劒擊柱者三太祖憊仆于牀廷諤以劒中之洞其腹腸胃皆流友珪以裊褥裹之瘞之寢中秘喪四日乃出府庫大資羣臣及諸軍遣受旨丁昭浦矯詔馳至東都殺友文又下詔曰朕艱難創業踰三十年託于人上忽焉六載中外協力期于小康豈意友文陰畜異圖將行大逆昨二日夜甲士突入大內賴郢王友珪忠孝領兵勦戮保全朕躬然而疾恙震驚彌所危殆友珪克

平兇逆厥功靡倫宜委權主軍國然後發喪通鑑帝長子

裕早卒次假子博王友王文帝特愛之常畱守東都兼建昌宮使次郢王友珪其母亳州營娼也爲左右控鶴都指揮使次均王友貞爲東都馬步都指揮使初元貞張皇后嚴整多智帝敬憚之后殂帝縱意聲色諸子雖在外常徵其婦入侍帝徃徃亂之友文婦王氏色美帝尤寵之雖未以友文爲天子帝意常屬之友珪心不平友珪常有過帝達之友珪益不自安帝疾甚命王氏召友文於東都欲與之訣且付以後事友珪婦張氏亦朝夕侍帝側知之密告友珪曰大家以傳國實付王氏懷往東都吾屬死無日矣夫婦相泣左右或說之曰事急計生何不改圖時不可失六月丁丑朔帝命敬翔出友珪爲萊州刺史卽令之官已宣旨未行勅時左遷者多追賜死友珪益恐戊寅友珪易服微行入左龍虎軍見統軍韓勅以情告之勅亦見功臣宿將多以小過被誅懼不自保遂相與合謀勅以牙兵五百人從友珪雜控鶴士入伏于禁中夜斬關入至寢殿侍疾者皆散走帝驚起問反者是誰友珪曰非它人也帝曰我固疑此賊恨不早殺之汝悖逆如此天地豈容汝乎友珪曰老賊

萬段友珪僕夫馮廷諤刺帝腹刃出于背友珪自以敗
種裏之瘞于寢殿秘不發表遣供奉官丁昭溥馳詣東
都命均王友貞殺友文已卯矯詔稱博王友文謀逆遣
兵突入殿中賴郢王友珪忠孝將兵誅之保全朕躬然
疾因震驚彌致危殆宜令友珪權主軍國之務韓勅爲
友珪謀多出府庫金帛賜諸軍及百官以取悅辛巳丁
昭溥還聞友文已死乃發喪宣遣制友珪卽皇帝位時
朝廷新有內難中外人情恟恟許州軍士更相告變匡
國節度使韓建皆不之省亦不爲備丙申馬步都指揮
使張厚作亂殺建友珪不敢詰甲辰以厚爲陳州刺史
乾化二年六月旣望友珪于柩前卽皇帝位拜韓勅忠
武軍節度使以末帝爲汴州畱後河中朱友謙爲中書
令友謙不受命而懷州龍驤軍三千劫其將劉重霸據
懷州自言討賊三年正月友珪祀天于洛陽南郊改元
曰鳳厯

清異錄梁家人傳郢王鳳厯之叛別制幘頭都
如唐巾但更雙脚爲仙藤耳其徒號爲順襄

太祖外孫袁象先與駙馬都尉趙巖等謀與末帝討賊
二月象先以禁兵入宮友珪與妻張氏趨北垣樓下將
踰城以走不果使馮廷諤進刃其妻及已廷諤亦自殺
末帝卽位復友文官爵五代史友珪弒逆並殺友文末帝卽位盡復官爵廢友
珪爲庶人五代史二年弒太祖篡位均王以兵討之自殺追廢爲庶人

康王友孜目重瞳子嘗竊自負以爲當爲天子貞明元
年末帝德妃薨將葬友孜使刺客夜入寢中末帝方寐
夢人害已旣寤聞榻上寶劍鎗然有聲躍起抽劍曰將
有變耶乃索寢中得刺客手殺之清異錄貞明末帝夜於寢間擒刺客乃康
王友孜所遣帝自戮之造雲母匣貯所用劍名匣曰護聖將軍之館遂誅友孜明日謂趙

嚴張漢傑曰幾與卿輩不相見由此遂踈弱宗室而信任趙張以至於敗云

嗚呼春秋之法是非與奪之際難矣哉或問梁太祖以臣弑君友珪以子弑父一也與弑卽位踰年改元春秋之法皆以君書而友珪不得列於本紀何也且父子之惡均而奪其子是與其父也豈春秋之旨哉予應之曰梁事著矣其父之惡不待與奪其子而後彰然末帝之志不可以不伸也春秋之法君弑而賊不討者國之臣子任其責予於友珪之事所以伸討賊者之志也

五代史記卷第十三

五代史記卷第十四

廬陵歐陽脩撰

徐無黨原注

南昌彭元瑞注

劉鳳誥排次

唐太祖家人傳第二

太祖正室劉氏代北人也

五代史太妃劉氏武皇之正室也 五代會要後唐太祖

妃劉氏同光元年四月冊爲皇太妃

其次妃曹氏太原人也太祖封晉王

劉氏封秦國夫人自太祖起兵代北劉氏常從征伐爲人明敏多智略頗習兵機常教其侍妾騎射以佐太祖太祖東追黃巢還軍過梁館于封禪寺梁王邀太祖入城置酒上源驛夜半以兵攻之太祖左右有先脫歸者

以難告夫人夫人神色不動立斬告者陰召大將謀保軍以還遲明太祖還軍與夫人相嚮慟哭因欲舉兵擊梁夫人曰公本爲國討賊今梁事未暴而遽反兵相攻天下聞之莫分曲直不若斂軍還鎮自訴于朝太祖從

之

北夢瑣言晉王李克用妻劉夫人常隨軍行至子軍機多所宏益先是汴州上源驛有變晉王憤恨欲回

軍攻之夫人曰公爲國討賊而以杯酒私忿必若攻城卽曲在於我不如回師自有朝廷可以論列於是班退

其後太祖擊劉仁恭敗歸梁遣氏叔琮康懷英等連歲攻晉圍太原晉兵屢敗太祖憂窘不知所爲大將軍李存信等勸太祖亡入北邊收兵以圖再舉太祖然之入以語夫人夫人問誰爲此謀者曰存信也夫人罵曰存

信代北牧羊兒耳安足與計成敗耶且公常笑王行瑜
弃邠州走卒爲人擒今乃自爲此乎昔公亡奔達鞏幾
不能自脫賴天下多故乃得南歸今屢敗之兵散亡無
幾一失其守誰能從公北邊其可至乎太祖大悟乃止
已而亡兵稍稍復集通鑑克用弟克寧爲忻州刺史聞
汴寇至中途復還晉陽曰此城吾
死所也去將何之衆心乃定北夢瑣言天復中周德
威爲汴軍所敗三軍潰散汴軍乘我晉王危懼與李存
信議欲出保雲州夫人曰存信本北方牧羊兒也焉顧
成敗王常笑王行瑜棄城失勢被人屠割今復欲效之
何也王頃歲避難達鞏幾遭陷害賴遇朝廷多事方得
復歸今一旦出城便有不測之變焉能遠及晉王止行
居數日亡散之士復集軍城安定夫人之力也夫人無子性賢不妬忌常爲太
祖言曹氏相當生貴子宜善待之通鑑克用寵姬曹氏
生存勗劉夫人待曹

氏加厚克用以是益賢之諸姬有子而曹氏亦自謙退
輒命夫人母之夫人教養悉如所生

因相得甚歡曹氏封晉國夫人後生子是謂莊宗太祖

奇之曹氏由是專寵太祖性暴怒多殺人左右無敢言

者惟曹氏從容諫譬往往見聽五代史武皇帝貞簡皇后曹氏莊宗之母也太

原人以良家子嬪于武皇姿質閒麗性謙退而明辨雅

爲秦國夫人所重常從容謂武皇曰妾觀曹姬非常婦

人王其厚待之武皇多內寵乾寧初平燕薊得李匡儔

妻張氏姿色絕代嬖幸無雙時姬侍盈室罕得進御唯

太后恩顧不衰武皇性嚴急左右有過必峻于譴罰無

敢言者唯太后從容救諫卽爲解顏及莊宗載誕體貌

奇傑武皇異而憐之太后益寵貴諸夫及莊宗立事曹
氏尤謹其教趙破燕取魏博與梁戰河上十餘歲歲常
馳歸省其母至三四人皆稱其孝五代史武皇薨莊宗
嗣晉王位時李克寧

李存顯謀變人情危懼太后召監軍張承業指莊宗謂之曰先人把臂授公此兒如聞外謀欲孤付託公等但置予母子有地毋令乞食于汴幸矣承業因誅存顯克寧以清內難莊宗善晉律喜伶人諺浪太后常提耳誨之天祐七年鎮定求援莊宗促命治兵太后曰予齒漸衰兒但不墜先人之業為幸矣何事櫛風沐雨離我晨昏莊宗曰稟先王遺旨須滅仇讎山東之事機不可失及發太后餞于汾橋悲不自勝莊宗平定趙魏駐于鄴城每一歲之內馳駕歸寧

莊宗卽位冊尊曹氏為皇太

后

五代史太后初封晉國夫人莊宗卽位命宰相盧損奉冊書上皇太后尊號五代會要後唐太祖皇后

曹氏同光元年四月冊為皇太后二月二日勅皇太后所居宮宜名長壽宮

而以嫡母劉氏

為皇太妃太妃往謝太后太后有慚色太妃曰願吾兒享國無窮使吾獲沒于地以從先君幸矣復何言哉莊宗滅梁入洛使人迎太后歸洛居長壽宮而太妃獨畱

晉陽

通鑑上遣皇弟存渥皇子繼岌迎太后太妃于晉陽太妃曰陵廟在此若相與俱行歲時何人奉祀

遂畱

同光三年五月太妃薨七月太后崩諡曰貞簡葬

于坤陵

五代會要後唐同光三年十月貞簡皇太后葬于坤陵初上欲祔于代州太祖園陵中書門下

奏議曰伏以人君以四海為家不當分南北洛陽是帝王之宅四時朝拜理須便近不能遠幸代州今漢朝諸

陵皆近秦雍國朝陵寢布列京畿後魏文帝自代遷洛之後園陵皆在河南兼勅應勲臣之家不許北葬今魏

氏諸陵尚在京畿祔葬而太妃無諡葬魏縣太妃與太

代州理為未允從之

而太妃無諡葬魏縣太妃與太

后甚相愛其送太后于洛也涕泣而別歸而相思慕遂

至不起太后聞之欲馳至晉陽視疾及其卒也又欲自

往葬之莊宗泣諫羣臣交章請畱乃止而太后自太妃

卒悲哀不飲食逾月亦崩

五代史其年平定河南西幸洛陽令皇弟存渥皇子繼岌

就太原迎奉莊宗親至懷州迎歸長壽宮太后素與劉
太妃善分訣之後悵然不樂俄聞太妃寢疾尙醫中使
問訊結轍旣而謂莊宗曰吾與太妃恩如伯仲彼經年
抱疾但見吾面差足慰心吾暫至晉陽旬朔與之俱來
莊宗曰時方暑毒山路崎嶇無煩往復可令存渥輩迎
侍太妃乃止及凶問至太后慟哭累旬由是不豫尋崩
于長壽宮同光三年冬十月上諡曰貞簡皇太后葬于
壽安陵五代會要三年七月崩諡曰正簡八月申書
門下奏據禮儀使狀准禮及故事太常少卿定諡太常
卿署定訖訖告天地宗廟伏准禮文賤不得誅貴子不得
爵母后必諡于廟者受成于祖今皇太后諡請太常卿
署定後集百官連署諡狀訖讀於太祖武皇帝室然後
差丞郎一人撰冊文別定日命太尉上諡冊于西宮靈
座同日差官告諡于天地太微宮宗廟如常告之儀從
之至九月申書門下奏大行皇太后諡讀于太廟太祖
武皇帝室其日合集兩省御史臺五品以上尙書省四
品以上官于太廟序立俟行告禮畢中書省班首一人
升階詣太祖武皇帝讀諡訖奏問別擇日上諡冊于西
宮靈座及祭告天地宗廟從之又內職後唐魏國夫
人陳氏唐乾寧二年冊爲皇太妃五代史魏國夫人

陳氏襄州人本昭宗之宮嬪也乾寧二年武皇奉詔討
王行瑜駐軍于渭北昭宗降朱書御札出陳氏及內妓
四人以賜武皇陳氏素知書有才貌武皇深加寵重及
光化之後時事多艱武皇常獨居深念嬪媵鮮得侍謁
唯陳氏得召見陳氏性既靜退不以寵侍自侈武皇帝
呼爲阿嬌及武皇大漸之際陳氏侍醫藥垂泣言妾爲
王執掃除之役十有四年矣王萬一不幸妾將何託既
不能以身爲殉願落髮爲尼爲王讀一藏佛經以報平
昔武皇爲之流涕及武皇薨陳氏果落髮持經法名智
願後居于洛陽佛寺莊宗賜號建法大師天成中明宗
幸其院改賜圓惠大師晉天福中卒于太原追諡光國
大師塔以惠寂爲名也五代會要後唐武帝長女瑒
華長公主降孟知祥同光三年十二月封第二
女瑤英長公主降張延釗同光三年十二月封

莊宗神閔敬皇后劉氏魏州成安人也莊宗正室曰衛

國夫人韓氏

五代史韓暉字子重太原晉陽人曾祖俊

州刺史暉世仕太原昆仲爲軍職惟暉親狎儒士好爲
歌詩聚書數千卷乾寧中後唐莊宗納其妹爲妃初爲

嫡室故莊宗深禮其家而憚以文學署交城文水令入
爲太原少尹莊宗平定趙魏爲魏州支使莊宗卽位授
右散騎常侍從駕至洛陽轉尙書戶部侍郎天成初改
秘書監俄而馮道爲丞相與憚有同幕之舊以憚性謹
厚尤左右之尋遷禮部尙書丁內憂服闋授戶部尙書
明宗晏駕馮道爲山陵使引憚爲副使清泰初以充奉
之勞授檢校尙書右僕射絳州刺史踰年入爲太子賓
客高祖登極以憚先朝懿戚深加禮遇除授貝州刺史
時范延光有跋扈之狀憚懼其見逼遲留不敢赴任高
祖不悅復授太子賓客尋改兵部尙書天福七年夏車
駕在鄴憚病脚氣卒于其次燕國夫人伊氏五代史伊
龍興寺時年六十餘

其次燕國夫人伊氏

廣字言

元和中右僕射眞之後廣中和末除授忻州刺史遇天
下大亂乃委質于武皇廣襟情灑落善占對累厯右職
授汾州刺史時武皇主盟諸侯景附軍機締結聘遺旁
午廣奉使稱旨累遷至檢校司徒乾寧四年從征劉仁
恭武皇之師不利于成安寨廣歿于賊有其次后也五
女爲莊宗淑妃子承俊厯貝遼二州刺史
史莊宗神閔敬皇后劉氏淑妃韓初封魏國夫人后父
氏莊宗正室德妃伊氏莊宗次室

劉叟黃鬚善醫卜自號劉山人后生五六歲晉王攻魏
掠成安裨將袁建豐得后納之晉宮貞簡太后教以吹
笙歌舞既筭甚有色莊宗見而悅之莊宗已爲晉王太
后幸其宮置酒爲壽自起歌舞太后歡甚命劉氏吹笙
佐酒酒罷去畱劉氏以賜莊宗先時莊宗攻梁軍于夾
城得苻道昭妻侯氏寵專諸宮宮中謂之夾寨夫人莊
宗出兵四方常以侯氏從軍其後劉氏生子繼岌莊宗
以爲類已愛之由是劉氏寵益專

客退紀談唐莊宗嘗
自傳粉墨與優人共

戲于庭內以
悅劉夫人

自下魏博戰河上十餘年獨以劉氏從

五代

史纂誤今按本紀梁末帝貞明元年歲次乙亥魏博諸
州入于晉至龍德三年歲次癸未梁亡首尾共九年不

得爲十餘年也劉氏多智善迎意承旨其佗嬪御莫得進見其父聞劉氏已貴詣魏宮上謁莊宗召袁建豐問之建豐曰臣始得劉氏于成安北鵠時有黃鬚丈人護之乃出劉叟示建豐建豐曰是也然劉氏方與諸夫人爭寵以門望相高因大怒曰妾去鄉時略可記憶妾父不幸死于亂兵妾時環尸慟哭而去此田舍翁安得至此因命笞劉叟于宮門莊宗已卽皇帝位欲立劉氏爲皇后而韓夫人正室也伊夫人位次在劉氏上以故難其事而未發宰相豆盧革樞密使郭崇韜希旨上章言劉氏當立莊宗大悅同光二年四月己卯皇帝御文明殿遣使

冊劉氏爲皇后

五代史纂誤今按莊宗紀乃是同光二年二月癸未立皇后劉氏與此不同未

知孰

皇后受冊乘重翟車鹵簿鼓吹見于太廟韓夫人

等皆不平之

五代會要同光二年四月太常禮院奏准制以次月十三日行皇后冊命令簡詳臨

軒命使冊皇后舊儀皇后廟見如納后之儀受冊後合別定廟見日其日皇后乘重翟車鹵簿鼓吹儀仗導從

從之

又奏議按開元禮臨軒冊皇后表謝朝皇太后

並如納后之儀不載朝謝皇帝之禮准納后儀則皇太后

服袞冕降迎于門恐禮太重今詳酌請其日常服御內

殿皇后首飾祿衣尚儀引入至殿廷階問再拜又再拜

訖退如常

乃封韓氏爲淑妃伊氏爲德妃莊宗自滅梁

儀從之

志意驕怠宦官伶人亂政后特用事于中自以出于微

賤踰次得立以爲佛力又好聚斂分遣人爲商賈至于

市肆之間薪芻果茹皆稱中宮所賣四方貢獻必分爲

二一以上天子一以入中宮宮中貨賄山積惟寫佛書
饋賂僧尼而莊宗由此亦佞佛有胡僧自于闐來莊宗
率皇后及諸子迎拜之僧遊五臺山遣中使供頓所至
傾動城邑又有僧誠惠自言能降龍嘗過鎮州王鎔不
爲之禮誠惠怒曰吾有毒龍五百當遣一龍揭片石常
山之人皆魚鼈也會明年滹沱大水壞鎮州關城人皆
以爲神莊宗及后率諸子諸妃拜之誠惠安坐不起由
是士無貴賤皆拜之獨郭崇韜不拜也北夢瑣言五臺
山僧誠慧其徒
號爲降龍大師鎮州大水壞其南城誠慧曰彼無信心
吾使一小龍警之自言能役使毒龍故也同光初到闕
權貴皆拜之唯郭崇韜知其爲人終不設拜京師旱迺
至洛下祈雨數旬無徵應或以焚燎爲聞懼而潛去至

寺慚恚而終建塔就法雨大師何其謬也是時皇太后及皇后交通藩鎮太

后稱誥令皇后稱敕命兩宮使者旁午于道許州節度

使溫韜以后佞佛因請以私第爲佛寺爲后薦福莊宗

數幸郭崇韜元行欽等私第常與后俱其後幸張全義

第酒酣命后拜全義爲養父全義日遣姬妾出入宮中

問遺不絕通鑑帝及皇后如張全義第全義大陳貢獻

請父事全義帝許之全義惶恐固辭再三彊之竟受皇

后拜復貢獻謝恩明日后命翰林學士趙鳳草書謝全

義鳳密奏自古無天下之母拜人臣爲父者帝嘉其莊

直然卒行之自是后與全義日遣使往來問遺不絕莊

宗有愛姬甚有色而生子后心患之莊宗晏居宮中元

行欽侍側莊宗問曰爾新喪婦其復娶乎吾助爾聘后

指愛姬請曰帝憐行欽何不賜之莊宗不得已佯諾之
后趣行欽拜謝行欽再拜起顧愛姬肩輿已出宮矣莊
宗不樂稱疾不食者累日同光三年秋大水兩河之民
流徙道路京師賦調不充六軍之士往往殍踣乃預借
明年夏秋租稅百姓愁苦號泣于路莊宗方與后荒于
畋遊十二月己卯臘畋于白沙后率皇子後宮畢從厯
伊闕宿龕澗癸未乃還是時大雪軍士寒凍金鎗衛兵
萬騎所至責民供給壞什器徹廬舍而焚之縣吏畏恐
亡竄山谷明年三月客星犯天庫有星流于天棓占星
者言御前當有急兵宜散積聚以禳之宰相請出庫物

以給軍莊宗許之后不肯曰吾夫婦得天下雖因武功

蓋亦有天命命既在天人如我何宰相論于延英后于

屏間耳屬之因取妝奩及皇幼子滿喜置帝前曰諸侯

所貢給賜已盡宮中所有惟此耳請鬻以給軍宰相惶

恐而退及趙在禮作亂出兵討魏始出物以賚軍五代史纂

誤今按莊宗紀趙在禮以同光四年二月癸巳反于貝

州甲午陷鄴都申辰李嗣源討在禮三月嗣源反然則

趙在禮反及嗣源討之皆在一月而星變在三月今此

先敘三月星變之事而後乃及趙在禮作亂則顛倒失

序軍中負而詬曰吾妻子已餓死得此何爲莊宗東幸
汴州從駕兵二萬五千及至萬勝不得進而還軍士離
散所失大半

五代史纂誤今按郭從謙傳云李嗣源兵反嚮京師莊宗東幸汴州而嗣源先入莊

宗至萬勝不進而通軍士離散尙有二萬餘人且古人
每謂三分之二爲大半今東幸從兵二萬五千去其大
半則有八九千人耳假令尙及萬人而從謙至罌子谷
傳乃云尙有二萬餘人則二說自不相合也道路隘狹
莊宗見從官執兵仗者皆以好言勞之曰適
報魏王平蜀得蜀金銀五十萬當悉給爾等對曰陛下
與之太晚得者亦不感恩莊宗泣下因顧內庫使張容
哥索袍帶以賜之容哥對曰盡矣軍士叱容哥曰致吾
君至此皆由爾輩因抽刀逐之左右救之而免容哥曰
皇后惜物不以給軍而歸罪于我事若不測吾身萬段
矣乃投水而死郭從謙反莊宗中流矢傷甚臥絳霄殿
廊下渴欲得飲后令宦者進殮酪不自省視莊宗崩后

與李存渥等焚加慶殿擁百騎出師子門后于馬上以

囊盛金器寶帶欲于太原造寺爲尼在道因與存渥姦

及至太原乃削髮爲尼明宗入立遣人賜后死晉天福

五年追諡曰神閔敬皇后

五代會要莊宗皇后劉氏同光二年四月十三日冊爲皇

后莊宗遇內難奔于太原爲符彥超所害晉天祐五年正月二十八日追諡曰神閔敬皇后

北夢瑣言莊宗

劉皇后魏州成安人家世寒微太祖攻魏州取成安得

后時年五六歲歸晉陽宮爲太后侍者教吹笙及箏姿

色絕衆聲伎亦所長太后賜莊宗爲韓國夫人侍者後

誕皇子繼岌寵待日隆他日成安人劉叟詣鄴宮見上

稱夫人之父有內臣劉建豐認之卽昔日黃鬚丈人后

之父也劉氏方與嫡夫人爭寵皆以門族誇尙劉氏恥

爲寒家自莊宗日妾去鄉之時妾父死于亂兵是時環

屍而哭妾固無父是何田舍翁詐僞及此乃于宮門笞

之其實后卽叟之長女也莊宗好俳優宮中暇日自負

著囊藥篋令繼岌破帽相隨似后父劉叟以醫卜爲業

也。后方晝眠，乃造其臥內，自稱劉衙推訪女后大恚咎。繼岌然爲太后不禮，復以韓夫人居正，無以發明大臣。希旨請冊劉氏爲皇后，議者以后出于寒賤，好興利聚財，初在鄴都，令人設法，稗販所鬻樵蘇果茹，亦以皇后爲名，正位之後，凡貢奉先入後宮，唯寫佛經，施尼師他，無所賜闕下。諸軍困乏，以至妻子餓殍，宰相請出內庫，俵給后將出，收具銀盆兩口，皇子滿喜等三人，令需以贍軍。一旦作亂，亡國滅族，與夫褒姒妲己無異也。先是，莊宗自爲俳優，名曰李天下，雜于塗粉，優雜之間，時爲諸優扑扶，摺搭，竟爲監婦恩伶之傾玷。有國者，得不以爲前鑒，劉后以囊盛金，合犀帶四欲于太原，造寺爲尼，沿路復通皇弟存渥同簪而寢，明宗聞其穢，卽令自殺。

自唐末喪亂，后妃之制不備，至莊宗時，後宮之數尤多。

有昭儀昭容昭媛，出使御正侍，眞懿才咸一瑤芳懿德。

宣一等其餘名號不可勝紀。

五代會要內職莊宗淑妃韓氏德妃伊氏並同光二

年十二月冊以宰相豆盧革韋說爲冊使，出應天門登輅車，鹵簿鼓吹前導，至于永福門降車，入右銀臺門至。

淑妃宮受冊于內文武百官立班稱賀昭儀侯氏封沂國夫人昭容夏氏封魏國夫人御正楚真張氏封沂國夫人出使美宣鄧氏封魏國夫人御正楚真張氏封沂國夫人人司簿德美周氏封宋國夫人侍真吳氏封延陵郡夫人人懿才王氏封太原郡夫人懿德王韓氏封昌黎郡夫人人懿芳張氏封清河郡夫人懿德王韓氏封昌黎郡夫人人懿芳張氏封清河郡夫人懿德王韓氏封昌黎郡夫人一馬氏封扶風郡夫人並同光二年十一月勅文獻通考自唐末喪亂后妃之制不備至莊宗時後宮之數尤多有昭容昭儀昭媛出使御正侍真懿才咸一瑤芳懿德宣一等其餘名號不可勝紀明帝已後又有司寶司贊司膳司醢司飾司衣過藥梳篦衣服知客寶省書省第子院使等名皆封國夫人或郡夫人少者縣君前代內職無封君之禮此一時之制

莊宗遇弒後宮皆散走朱守殷入宮選得三十餘人冊府元龜明宗天成元年四月卽位以多散流及帝自關東赴難居至德宮稱制宣徽使處按簿引進猶千餘人時宮使選數百人皆少年端麗者進御帝曰何事須此宮使人謂曰入宮幾時對曰會事乾符不可闕帝因詔老宮人謂曰入宮幾時對曰會事乾符

帝詔悉故事帝曰宮闈典故非耆艾者曷記所進少年
定非前輩因戲謂老宮人曰非惟爾識事故且與于顏
狀同耳是日勅少年宮人並令還其家無家可歸者任
從所適西川所送者亦令罷歸宮中所識者但其舊宮
人而已通鑑莊宗後宮存者猶千餘人宣徽使選其
美少者數百獻于監國監國曰奚用此為對曰宮中職
掌不可闕也監國曰宮中職掌宜諳故事此輩安知乃
悉用老舊之人補之其少年者皆出歸其親戚無親戚
者任其所適蜀中虢國夫人夏氏以嘗幸于莊宗守殷
所送宮人亦準此不敢畱明宗立悉放莊宗時宮人還其家獨夏氏無所
歸乃以河陽節度使夏魯奇同姓也因以歸之後嫁契
丹突厥李贊華贊華性酷毒喜殺人婢妾微過嘗加剗
灼夏氏懼求離婚乃削髮爲尼以卒北夢瑣言夫人夏氏最承恩寵後嫁
契丹突厥名李贊華所謂東丹王卽阿保機長子先歸
朝後除滑州節度使性酷毒侍婢微過卽以刀剗火灼

夏氏少長宮掖不忍其凶求離婚而韓淑妃伊德妃皆歸河陽節度夏魯奇家今爲尼也

居于太原晉高祖反時爲契丹所虜

北夢瑣言莊宗皇帝嫡夫人韓氏後

爲淑妃伊氏爲德妃契丹入中原石氏乞降宰相馮道尊冊契丹主大張宴席其國母后妃列坐同宴王嬙蔡

姬之比也

唐自朱邪得姓而爲李氏得國而爲晉得天下而爲唐其始出于夷狄而終以亂亡故其世次不可詳見其可見者曰太祖四弟八子五孫三世而絕太祖四弟曰克讓克脩克恭克寧皆不知其父母名號克讓少善騎射爲振武軍校從討王仙芝以功拜金吾衛將軍畱京師李氏自憲宗時以部族歸唐唐處之河西嘗遣一子宿

衛京師賜第于親仁坊其後太祖起兵雲中殺唐守將
段文楚唐發兵討太祖遣王處存以兵圍親仁坊捕宿
衛子克讓克讓與其僕何相溫石的厯等十餘騎彎弧
躍馬突圍而出處存以千餘人追至渭橋克讓等射殺
百餘人追兵乃止克讓奔于鴈門明年太祖復歸唐克
讓還宿衛京師黃巢犯長安克讓守潼關爲賊所敗奔
于南山匿佛寺爲寺僧所殺五代史克讓武皇之仲弟也少善騎射以勇悍聞咸
通中從討龐勛以功爲振武都校乾符中王仙芝陷荆
襄朝廷徵兵克讓率師奉詔賊平以功授金吾將軍
宿衛初懿祖歸朝憲宗賜宅于親仁坊自長慶以來相
次一人典衛兵武皇之起雲中殺段文楚朝議罪之命
加兵于我懼將逃歸天子詔巡使王處存夜圍親仁坊
捕克讓詰旦兵合克讓與紀綱何相溫安文寬石的厯

十餘騎彎弧躍馬突圍而出官軍數千人追之比至渭
橋死者數百克讓復入宿衛黃巢犯闕僖宗幸蜀克讓時守
皇昭雪克讓所敗以部下六七騎伏于南山佛寺夜為山
潼關為賊所敗死紀綱渾進通冒刃獲免歸于黃巢中
僧所害克讓既死紀綱渾進通冒刃獲免歸于黃巢中
和二年冬武皇入關討賊屯沙苑黃巢遣使米重威齋
賂修好因送渾進通至兼擒送害克讓僧十人武皇燔
偽詔還其使盡誅諸僧為克讓發哀行服悲慟久之
通鑑考異太祖紀年錄初克讓于潼關戰敗避賊南山
隱于佛寺夜為山僧所害紀綱渾進通冒刃獲免歸黃
巢賊素憚太祖問其至也將託情修好捕害克讓之僧
十餘人殺之巢令其將米重威齋重賂偽詔因渾進通
見太祖乃召諸將領其賂燔其偽詔以狗薛史克讓傳
日乾符中以功授金吾將軍云云按克讓于時猶在雲
州此克讓恐當作克用云雁門誤也後唐懿祖紀年錄
日其兄克恭克儉皆伏誅按是時國昌猶自請討克用
朝廷必未誅其子蓋國昌振武不受代後克恭克儉始
被誅薛史又曰明年武皇昭雪云云按國昌以乾符五
年不受代朝廷發兵討之六年克川未嘗昭雪克讓何
從得入宿衛廣明元年國昌父子兵敗逃入達靼其年

冬黃巢陷長安克讓何嘗守潼關戰敗而死于佛寺或
者爲朝廷所圍捕時逃入南山佛寺爲僧所殺則不可
知也今事旣難明故但
云爲寺僧所殺而已

克脩字崇遠從討龐勛以功拜朔州刺史太祖鎮雁門
以爲奉誠軍使從入關討黃巢爲先鋒遷左營軍使潞
州孟方立遷于邢州晉取潞州表克脩昭義軍節度使
通鑑考異實錄克用表李克脩爲節度使於是分昭義
軍五州爲二鎮薛居正五代史孟方立傳曰潞人陰乞
師於武皇中和三年十月武皇遣李克脩將兵赴之方
立拒戰大敗之由是連收澤潞二郡乃以克脩爲節度
使按薛史張全義傳諸葛爽表全義爲澤州刺史爽卒
李罕之據澤州蓋克脩止得潞州澤爲河陽所敗也
數出山東擊方立又與李罕之攻寇懷孟之間其後太
祖自將擊方立還軍過路克脩性儉嗇供饋甚薄太祖

大怒詬而笞之克脩慚憤發疾卒

五代史克脩字崇遠武皇從父弟也父德

成初爲天寧軍使從獻祖討龐勛以功授朔州刺史克脩少便弓馬從父征討所至立功武皇節制雁門以克脩爲奉誠軍使從入關爲前鋒破黃揆于華陰敗尙讓于梁田坡蹙黃巢于光順門每戰皆捷勇懾諸軍賊平授檢校刑部尙書爲左營軍使其年十月潞州牙將安居受來乞師請復昭義軍武皇遣大將賀公雅李筠安金俊等以兵從與孟方立戰于銅鞮不利武皇乃令克脩將兵繼進是月平潞州斬其刺史李殷銳乃表克脩爲昭義節度使光啟二年九月克脩出師山東收復邢洛十一月拔故鎮孟方立遣將呂璠來援戰于焦岡大敗之擒呂璠俘斬萬計進拔武安臨洺諸屬縣乘勝進圍邢州方立求援于鎮州王鐸出師三萬援之克脩軍退及李罕之來歸武皇授以澤州刺史與克脩合勢進攻河陽連歲出師以苦懷孟十月孟方立遣將奚忠信將兵三萬襲我遼州克脩設伏于遼之東山大敗賊軍擒忠信以獻龍紀元年武皇大舉以伐邢洛及班師因撫封于上黨克脩性儉嗇不事華靡供帳饗膳品數簡陋武皇怒其非薄笞而詬之克脩慙憤發疾明年三月

卒于路之府第時年三十一莊宗卽位追贈太師通

鑑考異太祖紀年錄太祖遣李罕之李存孝攻邢州十

月且命班師由上黨而歸克脩性吝嗇太祖左右徵賂

於克脩旬日間費數十萬向以爲供帳不豐荷其事咎

克脩而歸太原俄二子嗣弼嗣肱嗣弼爲涿州刺史天

而克脩憤恥寢疾

祐十一年契丹攻破涿州嗣弼歿于虜五代史克脩子

次日嗣肱嗣弼初授澤州刺史歷昭義橫海節度副使

改海州刺史天祐十九年契丹犯燕趙陷涿郡嗣弼舉

家被俘遷于幕庭嗣肱少有膽略從周德威數立戰功爲馬步

軍都虞候李存審敗梁軍于胡壁嗣肱獲梁將一人梁

太祖圍薊縣嗣肱從存審救薊梁軍解去嗣肱功爲多

超拜蔚州刺史雁門以北都知兵馬使累遷澤代二州

刺史新州王郁叛晉亡入契丹山後諸州皆叛嗣肱取

刺史新州王郁叛晉亡入契丹山後諸州皆叛嗣肱取

爲儒武三州拜新州刺史山北都團練使同光元年春

卒于官

五代史嗣肱少有膽略屢立戰功夾城之役從

守城兄弟內外奮戰忠力威壯感動三軍路圍旣解以

功授檢校左僕射入爲三城巡檢知衙內事天祐七年

周德威援靈夏黨項阻道音驛不通嗣肱奉命自麟州

渡河應接德威與黨項轉戰數十里合德威軍柏鄉之

戰嗣肱爲馬步都虞候明年從莊宗會朱友謙于猗氏

改教練使與存審屯趙州擊汴人于觀津時梁祖新屠衆強

其將賀德倫急攻蔚縣率師五萬合勢營于蔚之西嗣

肱自下博率騎三百薄晚與梁之樵芻者相雜日旣晡

入梁軍營門諸騎相合大譟弧矢星發樵闕馳突汴人

不知所爲營中擾旣曉騎而退是夜梁祖燒營而遁

解齋縣之圍以功特授蔚州刺史雁門以北都知兵馬

使從平劉守光十二年改應州刺史累遷澤代二州刺

史石嶺以北都知兵馬使十九年新州刺史王郁叛入

契丹嗣肱進兵定焉儒武等三州授山北都

團練使二十年春卒于新州時年四十五

克恭初爲決勝軍使克脩卒以克恭代爲昭義軍節度使克脩爲人簡儉潞人素安其政且哀其見笞以死而克恭橫暴多不法又不習軍事由是潞人皆怨克恭選後院勁兵五百人獻于太祖行至銅鞮其將馮霸以其徒叛太祖遣李元審討之戰于沁水元審大敗被傷奔入潞州牙將安居受亦叛殺克恭及元審使人召霸霸不受命居受懼而出奔行至長子爲野人所殺傳首于霸霸乃入潞州自稱畱後以附于梁

五代史克恭武皇之諸弟也龍紀中

爲決勝軍使大順初路帥李克脩卒克恭代爲昭義節度使性驕橫不法未開軍政潞人素便克脩之簡正惡克恭之恣縱又以克脩非罪暴卒人士離心時武皇初定邢洛三州將有事于河朔大蒐軍實潞州有後院軍

兵之雄勁者克恭。選其五百人獻于武皇。軍使安居受。惜其兵不悅。克恭令裨校李元審安建紀綱。馮霸部送太原。行次銅鞮縣。馮霸劫衆謀叛。殺都將劉杲。縣令戴勞謙循山而南北。及沁水有衆三千。武皇令李元審將兵擊之。與霸戰于沁水。不利。元審戰傷。收軍于潞。五月十五日。克恭視元審于孔目。吏劉崇之第。是日。州將安居受引兵伏攻克恭。因風縱火。克恭元審並遇害。州民推居受爲畱。後初孟方立之。亂居受以澤潞歸于武皇。至是。孟遷以刑。洛納降。復任爲牙將。居受懼其圖已。乃叛。殺克恭。以結汴。人居受遣人召馮霸于沁水。霸不受。命居受懼將奔歸。朝廷至長子爲野人所殺。傳首馮霸。軍霸乃引軍據潞州。自稱畱。後求援于汴。武皇令康君立討之。汴將葛從周來援。霸九月。李存孝急攻潞州。汴軍夜遁。獲霸等。誅之。武皇乃以康君立爲昭義節度使。克寧爲人仁孝。居諸兄弟中最賢。事太祖。小心不懈。太祖與赫連鐸李可舉戰雲蔚間。後奔達靺。入破黃巢。克寧未嘗不從。行太祖鎮太原。以爲內外都制置蕃漢都。

知兵馬使檢校太保振武軍節度使軍中之事無大小
皆決克寧太祖病召莊宗侍側屬張承業與克寧曰以
亞子累公等太祖崩莊宗告于克寧曰兒年孤稚未通
庶政雖有先王之命恐不足以當大事叔父勲德俱高
先王嘗任以政矣敢以軍府煩季父以待兒之有立克
寧曰吾兄之命以兒屬我誰敢易之因下而北面再拜
稱賀莊宗乃卽晉王位五代史克寧武皇之季弟也初
之攻黃花城也克寧奉武皇及諸弟登城血戰三日力
盡備竭殺賊萬計燕軍之攻蔚州克寧昆仲嬰城拒敵
晝夜輟寢食者旬餘後從達靺入關逐黃寇凡征行無
不銜從于昆弟之間最推仁孝小心恭謹武皇尤友愛
之及鎮太原授遼州刺史累至雲州防禦使乾寧初改
忻州刺史從入關討王行瑜充馬步軍都將以功授檢

校司徒天祐初授內外都制置管內蕃漢都知兵馬使
檢校太保充振武節度使凡軍政皆決于克寧五年正
月武皇疾篤克寧等侍疾垂泣辭訣克寧曰王萬一不
諱後事何屬因召莊宗侍側謂克寧張承業曰亞子累
公等言終棄代將發哀克初太祖起于雲朔之間所得
軍紀綱軍府中外無譴

驍勇之士多養以爲子而與英豪戰爭卒就霸業諸養
子之功爲多故尤寵愛之衣服禮秩如嫡諸養子麾下
皆有精兵恃功自恣自先王時常見優假及新王立年
少或託疾不朝或見而不拜養子存顯存實告克寧曰
兄亡弟及古之道也以叔拜姪理豈安乎人生富貴當
自取之克寧曰吾家三世父慈子孝先王土宇苟有所
歸吾復何求也克寧妻孟氏素剛悍存顯等各道其妻

入說孟氏數以迫克寧克寧仁而無斷惑于羣言遂至

于禍都虞候李存質得罪于克寧克寧殺之而與張承

業李存璋有隙又求兼領大同軍節度使于是幸臣史

敬鎔見太后告克寧與存顯謀執王及太后以降梁

五代

史史敬鎔太原人事武皇為帳中綱紀甚親任之莊宗

初嗣晉王位李克寧陰構異圖將害莊宗事發有日矣

克寧密引敬鎔以邪謀諭之既而敬鎔白貞簡太后惶

駭召張承業李存璋等圖之克寧等伏誅以功累遷州

郡同光初為華州節度使移鎮安州天成中入為莊宗

金吾上將軍期年復授鄧州至鎮數月卒贈太尉莊宗

召承業存璋告之曰季父所為如此奈何然骨肉不可

自相魚肉吾當避賢路以紓禍于吾家承業等請誅克

寧乃伏兵于府置酒大會兄寧既至執而殺之

五代史初武皇

獎勵軍戎多畜庶孽衣服禮秩如嫡者六七輩比之嗣
王年齒又長各有部曲朝夕聚謀皆欲爲亂莊宗英察
懼及于禍將嗣位讓克寧曰兒年孤稚未通庶政雖承
遺命恐未能彈壓大事季父勲德俱高衆情推伏且請
制置軍府侯兒有立聽季父處分克寧曰亡兄遺命屬
在我兒孰敢異議者兒但嗣世中外之事何憂不辦視
事之日率先拜賀莊宗嗣位軍民政事一切委之權柄
既重趣向者多附之李存勗者以陰計干克寧曰兄亡
弟及古今舊事季父拜姪理所未安富貴功名當宜自
立天與不取後悔無及克寧曰公毋得不祥之言我家
世立功三代父慈子孝天下知名苟吾兄山河有託我
亦何求公無復言必斬爾首以徇克寧雖慈愛因心而
日爲兇徒惑亂羣兒之妻復以此言干克寧妻孟夫人
說激百端夫人懼事泄及禍屢讓克寧由是愈惑會克
寧因事殺都虞候李存質又請兼領大同節度以蔚朔
爲屬郡又數怒監軍張承業李存瑋緣是知其有貳近
臣史敬鎔素與存顯善盡知其事敬鎔告貞簡太后曰
有顯與管內太保陰圖叛亂俟嗣王過其第卽擒之并
太后子母欲送于汴州竊發有日矣莊宗召張承業李
存瑋謂曰季父所爲如此無猶子之情骨肉不可自相

魚肉吾卽避路則禍亂不作矣承業曰老夫親承遺託
言猶在耳存顯輩欲以太原降賊王乃何路求生不卽
討除亡無日矣因令吳珙存璋爲之備二月二十日會
諸將于府第擒存顯克寧于坐莊宗垂泣數之日兒初
以軍府讓季父季父不忍棄先人遺命今已事定復欲
以兒子母投畀豺虎季父何忍此心克寧泣對曰蓋讒
夫交構吾復何言是日與存顯俱伏法克寧仁而無斷
故及于禍史臣曰昔武皇發跡于陰山莊宗肇基于河
朔雖奄有天下而享國日淺眷言枝屬空秀棣華固未
及推帝堯敦敘之恩廣成王封建之義自克讓而下不
獲就魯衛之封懋問平之德也況天橫相繼亦良可悲
哉通鑑初晉王克用多養軍中壯士爲子寵遇如真
子及晉王存勗立諸假子皆年長握兵心快快不伏或
託疾不出或見親王不拜李克寧權位既重人情多向
之假子李存顯陰說克寧曰兄終弟及自古有之以叔
拜姪于理安乎天與不取後悔無及克寧曰吾家世以
慈孝聞天下先王之業苟有所歸吾復何求汝勿妄言
我且斬汝克寧妻孟氏素剛悍諸假子各遣其妻入說
孟氏孟氏以爲然且慮語泄及禍數以迫克寧克寧性
怯朝夕惑于衆言心不能無動又與張承業李存璋相

失數誚讓之又因事擅殺都虞候李存質又求領大同
節度使以蔚朔應州爲巡風屬晉王皆聽之李存顯等爲
克寧謀因晉王過其第殺承業存璋奉克寧爲節度使
舉河東九州附于梁執晉王及太夫人曹氏送大梁太
原人史敬鎔少事晉王克用居帳下見親信克寧欲知
府中陰事召敬鎔密以謀告之敬鎔陽許之入告太夫
人太夫人等如問外間謀欲召晉王謂之曰先王把此兒
臂授公等如問外間謀欲召晉王謂之曰先王把此兒
大梁自它不以累公承業惶恐曰老奴以死奉先王之
命此何言也晉王以克寧之謀告且曰至親不可自相
魚肉吾苟避位則亂不作矣承業曰克寧欲投大王母
子于虎口不除之豈有全理乃召李存璋吳琪及假子
李存敬長直軍使朱守殷使陰爲之備壬戌置酒會諸
將于府舍伏甲執克寧存顯于座晉王流涕數之曰兒
舅以軍府讓叔父叔父不取今事已定奈何復爲此謀
忍以吾母子遺讎仇乎克寧曰此皆讒人交構夫復何
言是日殺克寧及存顯

太祖子八人莊宗長子也次曰存美存霸存禮存渥存

父存確存紀同光三年十二月辛亥詔封存美等七人

為王蓋存霸存渥存紀與莊宗同母存美存父存確存

禮不知其母名氏號位存美封邕王存霸永王存禮薛

王存渥申王存父睦王存確通王存紀雅王五代會要後唐太祖

第二子存美邕王第三子存霸永王第四子存禮薛王

第五子存渥申王第六子存父睦王第七子存確通王

第八子存紀雅王並同存父光三年閏十二月封厯建雄保大二軍節度使

五代史睦王存父莊宗第五弟同光三年封娶郭崇韜厯鄆州刺史後以郭崇韜壻為莊宗所殺

女是時魏州妖人楊千郎用事自言有墨子術能役使

鬼神化丹砂水銀莊宗頗神之拜千郎檢校尚書郎賜

紫其妻出入宮禁承恩寵而士或因之以求官爵存父

及存渥等往往朋注于其家及崇韜被族莊宗遣宦官
陰察外議以爲如何而宦官因欲盡誅崇韜親黨以絕
後患乃誣言存父過千郎家酒酣攘臂號泣爲婦翁稱
冤言甚怨望莊宗大怒以兵圍其第而族之并誅千郎
北夢瑣言莊宗異母弟存父以郭崇韜女壻伏誅先是
郭崇韜既誅之後朝野駭惋議論紛然莊宗令閹人察
訪外事言存父于諸將坐上訴郭氏之無罪其言怨望
又于妖術人楊千郎家飲酒聚會攘臂而泣楊千郎者
魏州賤民自言得墨子術于婦翁能役使陰物帽下召
食物果實之類又蒲博必勝人有拳握之物以法必取
又說鍊丹乾汞易人形破扇緇貴要問神奇之官至向
書郎賜紫其妻出入官禁承恩用事皇弟存父常朋淫
于其家至是與存霸厯昭義天平河中三軍節度使五
存父同罹其禍
史張敬詢勝州金河縣人世爲振武軍牙校祖仲阮厯
勝州刺史父漢環事武皇爲牙將敬詢當武皇時專掌

甲坊十五年以稱職聞復以女爲武皇子存霸妻益見
親信莊宗卽位以爲沁州刺史秩滿復用爲甲坊使莊
宗經略山東敬詢從軍歷博澤慈隰四州刺史同光末
授耀州團練使郭崇韜之征蜀也以敬詢善督租賦乃
表爲利州留後明宗卽位正授昭武軍節度使天成二
年詔還京師復授大同節度使至鎮招撫室韋萬餘帳
四年徵爲左驍衛上將軍明年授滑州節度使以河水
連年溢隄乃自酸棗縣界至濮州廣隄防一丈五尺東
西二百里民甚賴之三年存渥義成天平二軍節度使
秩滿歸京卒輟視朝一日
皆居京師食其俸祿而已五代史永王存霸武皇子莊宗第二弟同光三年封莊宗
敗爲軍卒所殺申王存渥莊宗第四弟同光三年封莊宗
年封莊宗敗與劉皇后同奔太原爲部下所殺趙在禮
作亂乃遣存霸于河中李嗣源兵反嚮京師莊宗再幸
汜水徙存霸北京畱守存渥河中節度使宣麻未訖郭
從謙反攻興教門存渥從莊宗拒賊莊宗中流矢崩存

渥與劉皇后同奔于太原行至風谷爲部下所殺

北夢瑣言

趙在禮作亂諸將擁明宗入闕未到間從馬直郭從謙攻興教門帝母弟存渥從上戰及宮車晏駕存渥與劉

皇后同奔太原至風谷爲部下所殺存霸聞京師亂亦自河中奔太原比

至麾下皆散走惟使下康從弁不去存霸乃翦髮衣僧

衣謁苻彥超曰願爲山僧冀公庇護彥超欲畱之爲軍

衆所殺通鑑存霸至晉陽從兵逃散俱盡存霸削髮僧服謁李彥超願爲山僧幸垂庇護軍士爭欲殺

之彥超曰六相公來當奏取進止軍士不聽殺之于府門之碑下北夢瑣言存霸先除北京畱守亦自河中

至太原兵衆請殺存霸以安人心苻彥超不能禁時存霸已翦髮衣僧衣謁彥超願爲山僧竟不免也存

紀存確聞郭從謙反奔于南山匿民家明宗詔河南府

及諸道諸王出奔所至送赴闕如不幸物故者收瘞以

聞存紀等所匿民家以告安重誨重誨謂霍彥威曰二
王逃難主上尋求恐其失所今上既監國典喪此禮如
何彥威曰上性仁慈不可聞奏宜密爲之所以安人情
乃卽民家殺之五代史通王存確莊宗第六弟雅王存
紀莊宗第七弟同光三年封莊宗敗並
爲霍彥威所殺北夢瑣言存紀存確匿于南山民家
人有以報安重誨重誨曰主上已下詔尋訪帝之仁德
必不加害不如密旨殺之果併命于民存美素病風居
家後明宗聞之切讓重誨傷借久之

太原與存禮皆不知其所終

五代史邕王存美武皇子
莊宗第三弟同光三年封

莊宗敗不知所終薛王存禮武皇
子同光三年封莊宗敗不知所終

莊宗五子長曰繼岌其次繼潼繼嵩繼蟾繼曉

五代史
莊宗長

子繼岌魏王同光元年四月中書門下奏皇子佳故事
合帶宮使請以繼岌爲興聖宮使從之至三年九月二

十三日封爲魏王繼潼繼蟾繼嵩繼曉皆皇子繼岌母也同光三年二月勅並可光祿大夫檢校司徒繼岌母

曰劉皇后其四皆不著其母名號莊宗卽位繼岌爲北

都畱守

五代史魏王繼岌莊宗子也莊宗卽位于魏州以繼岌充北都畱守及以鎮州爲北都又命爲

畱守判六軍諸衛事遷檢校太尉同中書門下平章事豆

盧革爲相建言唐故事皇子皆爲宮使因以鄴宮爲興

聖宮以繼岌爲使同光三年封魏王

通鑑同光三年九月乙未立皇子繼

岌爲魏王是歲伐蜀以繼岌爲西南面行營都統郭崇韜爲

都招討使工部尙書任圜翰林學士李愚皆參軍事九

月戊申將兵六萬自鳳翔入大散關軍無十日之糧而

所至州鎮皆迎降遂食其粟至興州蜀將程奉璉以五

百騎降因以其兵脩閣道以過唐軍王衍將兵萬人屯利州分其半逆戰于三泉爲先鋒康延孝所敗衍懼斷吉栢江浮橋奔歸成都唐軍自文州間道以入十月己酉繼岌至綿州衍上牋請降丙辰入成都王衍乘竹輿至昇仙橋素衣牽羊草索繫首肉袒銜璧與櫬羣臣衰經徒跣以降繼岌下而取璧崇韜解縛焚櫬自出師至降衍凡七十五日兵不血刃自古用兵之易未有如此

五代史三年伐蜀以繼岌爲都統郭崇韜爲招討使十月戊寅至鳳州武興軍節度使王承捷以鳳興文扶四州降甲申至故鎮康延孝收興州時僞蜀主王衍率親軍五萬在利州令步騎親軍三萬逆戰于三泉康延孝李嚴以勁騎三千犯之蜀軍大敗斬首五千級餘皆奔潰王衍聞其敗也棄利州奔歸西川斷吉栢津浮橋而

去己丑繼岌至興州僞蜀東川節度使宋光葆以梓潼
劍龍普等州來降武定軍節度使王承肇以洋蓬壁三
州符印降興元節度使王宗威以梁開通渠麟等五州
符印送降階州王承岳納符印秦州節度使王承休棄
城而遁辛丑繼岌過利州戊申至劍州已酉至綿州王
衍遣使上牋乞降丁巳入成都自興師出洛至定蜀止
七十五日走九然繼岌雖爲都統而軍政號令一出崇
韜初莊宗遣宦者供奉官李從襲監中軍高品李廷安
呂知柔爲典謁從襲等素惡崇韜又見崇韜專任軍事
益不平之及破蜀蜀之貴臣大將自王宗弼以下皆爭
以蜀寶貨妓樂奉崇韜父子而魏王所得匹馬束帛唾
壺塵柄而已崇韜日決軍事將吏賓客趨步盈庭而都
統府唯大將晨謁衙門闐然由是從襲等不勝其憤已

而宗弼率蜀人見繼岌請畱崇韜鎮蜀從襲等因言崇韜有異志勸繼岌爲備繼岌謂崇韜曰陛下倚侍中如衡華尊之廟堂之上期以一天下而制四夷必不棄元老于蠻夷之地此事非予敢知也莊宗聞崇韜欲畱蜀亦不悅遣宦者向延嗣趣繼岌班師延嗣至成都崇韜有不出迎及見禮益慢延嗣怒從襲等因告延嗣崇韜有異志恐危魏王延嗣還具言之劉皇后涕泣請保全繼岌莊宗遣宦官馬彥珪往視崇韜去就是時兩川新定孟知祥未至所在盜賊亡聚山林崇韜方遣任圜等分出招集恐後生變故師未卽還而彥珪將行見劉皇后

曰臣見延嗣言蜀中事勢已不可禍機之作間不容髮
安能三千里往復稟命乎劉皇后以彥珪語告莊宗莊
宗曰傳言未審豈可便令果決皇后不得請因自爲教
與繼岌使殺崇韜明年正月崇韜畱任圜守蜀以待知
祥之至崇韜期班師有日彥珪至蜀出皇后教示繼岌
繼岌曰今大軍將發未有覺端豈可作此負心事從襲
等泣曰今有密勅王苟不行使崇韜知之則吾屬無類
矣繼岌曰上無詔書徒以皇后手教安能殺招討使從
襲等力爭繼岌不得已而從之詰旦從襲以都統命召
崇韜繼岌登樓以避之崇韜入升階繼岌從者李環搥

碎其首繼岌遂班師二月軍至泥溪先鋒康延孝叛據

漢州繼岌遣任圜討平之四月辛卯至興平開明宗反

兵入京師王氏見聞錄後唐莊宗世子魏王繼岌伐蜀

臣張漢賓肅急詔所在催魏王歸闕張漢賓乘驛倍道

急行至興元西縣逢魏王宣傳詔旨王以本軍方討漢

州康延孝相次繼來欲候之出山以陳凱歌漢賓督之

有軍謀陳岷比事梁與漢賓熟密問張曰天子改換且

是何人張色莊曰我當面奉宣詔魏王況大軍在行談

何容易陳岷曰久忝知聞故敢諮問兩日來有一信風

新人已卽位矣復何形迹張乃說來時聞李嗣源過河

未知近事岷曰魏王且請盤桓以觀其勢未可前邁張

以莊宗命嚴不敢遷延督令繼岌欲退保鳳翔至武功

進發魏王至渭南遇害矣

李從襲勸繼岌馳趨京師以救內難行至渭河西都畱

守張饒斷浮橋繼岌不得渡乃循河而東至渭南左右

皆潰從襲謂繼岌曰大事已去福不可再王宜自圖繼
岌徘徊泣下謂李環曰吾道盡途窮子當殺我環遲疑
久之謂繼岌乳母曰吾不忍見王王若無路求生當陪
面以俟繼岌面榻而臥環縊殺之

五代史師回至渭南
聞莊宗敗師徒潰散

自縊

任圜從後至葬繼岌于華州之西南繼岌少病關

無子明宗已卽位圜率征蜀之師二萬至京師明宗撫
慰久之問圜繼岌何在圜具言繼岌死狀同光三年詔
以皇子繼嵩繼潼繼蟾繼曉皆爲光祿大夫檢校司徒
蓋其皆幼故不封當莊宗遇弒時太祖子孫在者十有
一人明宗入立其四人見殺其餘皆不知其所終

五代史繼

潼關嵩繼蟾繼嶢並莊宗子同光三年拜光祿大夫檢校司徒未封莊宗敗並不知所終清異錄唐福慶公主下降孟知祥長興四年明宗晏駕唐室亂莊宗諸兒削髮爲苾芻間道走蜀時知祥新稱帝爲公主厚待猶子賜子太祖之後遂絕原注梁唐家人傳皆先兄弟而干計後諸子兄弟之子各從其父此理之常也至莊宗七弟所書事迹不以長幼爲次者各因其死之先後而書之便于述事爾無定法也

五代史記卷第十四